



199/2

REPUBLIKA E SHQIPËRISË
MINISTRIA E ENERGJISË
DHE INDUSTRIË

DREJTORIA E POLITIKAVE DHE ZHVILLIMIT TË HIDROKARBUREVE

Adresa: Bulevardi "Dëshmorët e Kombit", 1001, Faqja web: <http://www.energjia.gov.al>

Nr. 8191/1 Prot.

Tiranë, më 10/2 /2016

Drejtuar: Qendra "Res Publika"
Z. Dorian Matlija
Blv. "Gjergj Fishta" Nd. 24, H3, Ap. 44
Tiranë

Lënda: Kthim Përgjigje

I nderuar z. Matlija,

Referuar shkresës tuaj me nr. 199/15 prot., datë 17/12/2015, në lidhje me kërkesën për informacion dhe vënie në dispozicion të dokumentacionit për incidentin e ndodhur në fshatin Marinëz, nga fontanimi i pusit 5761 P29 A, i cili është nën administrimin e kompanisë Bankers Petroleum Albania Ltd. (BPAL) ju informojmë si më poshtë.

Më datën 01 prill të vitit 2015 gjatë zhvillimit të operacioneve hidrokarbure nga kompania BPAL në pusin 5761 P 29A u shfaq fenomeni i fontanimit të pusit. Menjëherë nga ana e BPAL u morën masa për vënien e situatës nën kontroll. Pas mbylljes së grykës së pusit, nga ana e operatorëve të kompanisë BPAL u angazhuan për të riparuar të gjitha dëmet e shkaktuara në mjedisin përreth pusit si dhe të mbeshtesë banorët e prekur në mënyrë që ata t'i rikthehen jetës normale.

Për këtë qëllim, veprimet e ndërmara jo vetëm për kompensimet e banorëve për dëmtimet e shtëpive të banimit dhe të objekteve të tjera funksionale, por përfshirjen edhe në pastrimet e rrugëve, kanaleve, puseve të ujit si dhe rehabilitimin e tokave bujqësore të zonës së prekur nga incidenti, BPAL gjithashtu i është përgjigjur nevojave të banorëve të zonës edhe me furnizimin me ujë duke përfshirë dhe ujin e pijshëm.

Procesi i konstatimit dhe i vlerësimit të dëmeve shkaktuar nga incidenti i pusit nr. 5761 në Marinëz është realizuar në përputhje me ligjin nr. 8756 datë 26.03.2001 "Për emergjencat civile" i ndryshuar dhe me VKM nr. 329, datë 16.05.2012 "Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga veprimtaria njerëzore". Në vazhdim procesi i konstatimit dhe i vlerësimit të dëmeve është iniciuar dhe realizuar nga institucionet publike vendore, ku përfshihen ish Komuna Kuman, Këshilli Komunës Kuman, Bashkia Roskovec, Këshilli i Bashkisë Roskovec, Këshilli i Qarkut Fier dhe Prefekti i Qarkut Fier, me pjesëmarrjen edhe të Shërbimit Gjeologjik Shqiptar.

Kompania BPAL, në bazë të akteve të përpiluara nga Komisioni i Konstatimit dhe ai i Vlerësimit të Dëmeve, të përbërë nga përfaqesues të institucioneve publike vendore që përcaktuan dëmet dhe vlerësuan masën e dëmshpërblimit, shprehur në lekë, për secilin subjekt të prekur nga incidenti, ka hartuar marrëveshjet e dëmshpërblimit me secilin subjekt përfitues. Roli i BPAL në të gjithë këtë proces ka qënë vetëm ekzekutues.

Shtëpitë e banimit dhe objekte të tjera funksionale janë vlerësuar si të pabanueshme, sipas Vendimit të Këshillit të Bashkisë Roskovec janë miratuar 43 subjekte përfitues. Me 41 subjekte janë nënshkruar marrëveshjet e dëmshpërblimit dhe u janë ekzekutuar shumat përkatëse. Për dy subjektet e mbetura janë në pritje të veprimeve të Bashkisë Roskovec. Në Komunë Kuman ku shtëpitë e banimit dhe strukturat e tjera janë vlerësuar si pjesërisht të dëmtuara, janë miratuar 69 subjekte përfitues. Me 61 subjekte janë nënshkruar marrëveshjet e dëmshpërblimit dhe u janë ekzekutuar shumat përkatëse.

Disa nga këto subjekte (8) nuk janë dakort me masën e dëmshpërblimit të vlerësuar nga Komisioni i Vlerësimit dhe nuk kanë pranuar të nënshkruajnë marrëveshjet me shoqërinë Bankers. Një pjesë e këtyre janë në proces gjyqësor.

Kampania BPAL vazhdon të jetë e angazhuar në procesin e rehabilitimit të zonës ku ndodhi incidenti.

Në lidhje me kërkesën tuaj për tu pajisur me një kopje të kontartës së lidhur me kompaninë Bankers Petroleum Albania Ltd. ju informojmë se;

Marrëveshja Hidrokarbure me shoqërinë Bankers Petroleum Ltd e miratuar me VKM Nr. 477, datë 16.7.2004 "Për miratimin e marrëveshjes për zhvillimin dhe prodhimin e hidrokarbureve në vendburimin Patos Marinzë" të ndryshuar, në Nenin 23 të saj Konfidencialiteti parashikon se, gjithë informacioni i kryer ose i përfituar ose i marrë sipas kësaj Marrëveshje, do të mbahet nga Palët konfidencial në mënyrë strikte dhe nuk do të bëhet i ditur pa aprovim paraprak me shkrim të Palës tjetër për sa kohë që kjo Marrëveshje mbetet në fuqi, përveçse në masën e kërkuar për të vepruar në përputhje me ligjet, rregullat dhe rregulloret të ndonjë burse për të cilën Kontraktori mund të jetë subjekt, po që se ky informacion nuk bëhet pjesë e sferës publike nëpërmjet burimesh përveçse Kontraktorit. Për më tepër, Kontraktori do të jetë i lidhur me këto detyrime konfidencialiteti, për një periudhë prej pesë (5) vjet në vijim të mbylljes të kësaj Marrëveshje.

Duke ju falënderuar për bashkëpunimin,

SEKRETARI I PËRGJITHSHËM

KOLI BELE

